

# ELEZION DIRETE DAL PRESIDENT DE REGJON E DAL CONSEI REGJONÂL

## Convocazion dai comizis eletorâi

### IL SINDIC

**VIODÛTS** i articui 13 e 14 dal Statût speciâl de Regjon Friûl Vignesie Julie, aprovât cu la leç costituzionâl 31 zenâr 1963, n.1 e seguitivis modificazions e integrazions;

**VIODUDE** la leç regionâl 18 jujn 2007, n.17 (*Determinazion de forme di guvier de Regjon Friûl Vignesie Julie e dal sisteme eletorâl regionâl, daûr dal articul 12 dal Statût di autonomie*);

**VIODUDE** la leç regionâl 18 dicembar 2007, n.28 (*Dissipline dal procediment pe elezion dal President de Regjon e dal Consei regionâl*) e seguitivis modificazions e integrazions;

### AL FÂS SAVÊ

**CHE** cun decret dal President de Regjon n. 044/Pres. dal 28 di fevrâr 2018, a son stâts convocâts i comizis eletorâi pe elezion dal President de Regjon e dal Consei regionâl inte zornade di **DOMENIE ai 29 di AVRÎL 2018**;

**CHE** cul stes decret a son stâts distribuîts i seçs fra lis circoscrizions eletorâls, escludûts i seçs eletorâi riservâts al candidat elet President e al candidat ae stesse carghe che al è rivât a vê un numar di vôts subit plui bas di chel dal candidat elet President, come ripuartât chi sot:

Circoscrizions	Popolazion legâl	Seçs assegnâts
1. TRIEST	232.601	9
2. GURIZE	140.143	5
3. UDIN	456.186	18
4. TUMIEÇ	80.550	3
5. PORDENON	310.811	12
<b>Totâi</b>	<b>1.220.291</b>	<b>47</b>

La votazion a si davuelzarà inte zornade di domenie ai 29 di avrîl 2018 da lis oris **07.00** a lis oris **23.00**.

L'eletôr al podarà esercitâ il dirit di vôl tal lûc di riunion indicât su pe sô tessare eletorâl. L'eletôr che a nol è iscrit tes listis eletorâls che al à dirit di votâ daûr di une sentence che a lu declare eletôr dal comun, al varà di votâ inte sezion eletorâl indicade dal Comun.

#### CHE OGNI ELETÔR SI VISI

- che par esercitâ il dirit di vôl al varà di mostrâ la tessare eletorâl e un document di ricognossiment;
- che, se al ruvine la tessare eletorâl in maniere che a no si puedi doprâle, al pues lâ, ancje tal dì che a si vote, li dal ufici eletorâl dal comun par vê, presentant une domande specifiche e tornant indaûr l'originâl, un duplicât o, se nol sarà pussibil, un atestât sostitutîf par esercitâ il dirit di vôl;
- che, se al piert la tessare, al pues domandâ al ufici eletorâl dal comun un duplicât o un atestât sostitutîf, presentant une autodeclarazion che e ateste che la tessare e je stade pierdude.